

長
垣
鼎
承
鼎
承

序

西侯舊壤常氏遺封邑號

室壁駕青岡而凌白塔撫黑洋而下

黃溝天應圖書真

神京之南趾地占河朔接輔壤於東明鶴

邱之徙倚何常鳳岡之統轄猶在

序

巍巖邑在昔已昭渺渺芳徽於今未

墜予不佞觀風問俗輜軒歷三善之

邦良有司考獻徵文筆削繼千秋之

志爰稽古蹟用采新編綱舉目張條

分縷析蓋以符分漢魏土列屏藩封

錫長羅爵除建武縣版圖者十三流

食采邑者五千戶疆維廓矣侯籙昭
然且以古多賢哲代有循良人物表
彰政聲宣著至聖來遊之地高賢寡
過之鄉迨遞遠村道左之遺風蓋永
清閒蒲治庭前之佳樹春深吳孝廉
牧豕行吟衡門守志周光祿批鱗直

序

二

諫御座留章桑田高季智之風歌頌
樂舞欽之化共目長官清正絲毫不
擾下民咸知侍御剛方金帛何勞上
壽既彰文治更著武功身殉蒙難王
氏之祖孫並節血流汴水韓家之兄
弟齊名司馬銜碑忠惟一死太師賜

劍勇冠三軍淹通明著希顏孝行家
推祖德村崇魯義大義克敦城號婦
姑貞姑自矢永矣此邦之彥休哉不
世之英更有亭修問志堂築退思弔
龍逢之故居訪比干之石槨秋風水
澤聽牧笛之一聲春雨山壇落杏花

序

三

之幾片殘碑斷碣石勒忠肝適館授
餐車停版集臺圯柯同爛盡千年之
殘局誰收城荒鶴未歸來三百之乘
軒安在是皆俯仰陳迹之如斯所謂
憑眺興懷於不盡者也方今

聖天子治化維新海隅率被輿圖式廓共

樂車書風俗敦龐咸登熙皞垣邑久
稱樂土志乘已歷多年事屬典章理
宜修輯李明府情殷刑訂庶幾曾有
傳人邦人士志切搜羅九幸衛多君
子適觀厥成爰以為序

嘉慶十五年春二月

序

四

賜進

士出身內閣學士兼禮部侍郎提督
順天等處學政涇邑吳芳培撰并書



新修長垣縣志序

作志如作史昔江淹有言志者典章之所繫非老於典章者不能爲也今之郡邑皆有志矣而其間可采者蓋寡以是知志之不易爲也然而非其人不作非其人不述守土之吏簿書鞅掌有不暇爲卽有其暇不能明體例慎取義則又不能爲卽好而爲之非放訂詳贖其才其學其識之足以昭傳信者則又不可爲志之成也不其難乎余自丙

寅春奉

天子命來守大名首詢郡志創自康熙壬子譌誤漫漶不能披覽因念郡屬一州六縣若新志俱成彙而輯之則郡志之成也易矣邱李君子頃以名家子調宰長垣學問旣優更

長垣縣志

序

才卓卓近以所修長垣新志問序於余觀其所作博核整肅一準古今入成法炳焉前焉首作圖攷法唐李吉甫元和郡縣圖志宋李昉圖經也作沿革表法一統志表也作封爵表法漢司馬遷功臣侯表也作職官表法漢班固百官公卿表也作選舉表法唐姚康科第錄也作地理書法晉朱育會稽土地記也作建置書法宋無名氏衙署志宋敏求東京記也作田賦書法宋田况皇祐會計錄也作典禮書法唐蘇頌入祿禮閣新儀也作事紀書法司馬遷等大事記韋氏三輔舊事也作術政記法梁元帝丹陽尹傳宋費樞廉吏傳也作人物記法魏周斐汝南先賢傳晉習鑿之襄陽耆舊記也作列女記法漢劉向列女傳晉村誦列女

記也作藝文錄法晉掣虞文章志梁阮孝緒七錄文集法也作金石錄法宋鄭樵通志金石略也終之以敘錄法其識精烏能如是哉方今

聖代

右文海宇雍睦凡親民之官能周知一邑之事庶幾無憾而一邑之事莫詳於志志不修則事無可攷而庶務殆大可惜已邑志既修則郡志亦可采而或書以彙省志統彙之全仰贊一道同風之

盛治

興至鉅也今李君先我而為之而又能延博洽之士勤編纂以合於古之所為類非俗吏之所能為也是志之

長垣縣志

序

二

之有餘采也其資益政書曰云淺鮮故綜攬而敘之當觀感而興起者足維風教於不衰

嘉慶十四年歲在己巳十一月朝議大夫直隸大名府府定安莫景瑞序

志者識也所以備觀省昭勸戒明是非辨得失非一家一時之私籍亦非一家一人之私見也長垣志自康熙庚申修輯後閱今百三十年文獻無徵網羅不易丁卯春

山曲湯調宰是邑士民首以修志為請越歲戊辰請者益眾竝樂輸經費以襄厥成由是延陽湖楊君元錫至垣設

館授餐任編纂之事楊君家世四代翰詹皆領史職淵源有自好古洽聞屢應郡邑修志之徵長於述作迺羅列經

史子集竝廣蒐博采佚事舊聞悉書於冊又徧搗殘碑斷碣及士夫家乘以備參稽夏四月于垣于役都門初冬始

返則志稟既成為圖為表為書為記為錄都為十六卷譌長垣縣志

者正闕者補體例既嚴取裁亦慎迺呈於大府

督學閱定以付剞劂人昔明李襄毅作邑志序慮風俗之遷流民習之難挽愷切而言之今之戶口什倍於昔為之富

庶依然而俗不逮古豈父兄之教不先與抑長吏之未能化導也我

家重熙累洽涵養休息百七十年凡郡邑之風土民情無不登之於志以供金匱石室之采擇則志之成也不可緩

吾願邑之士皆敦崇實學毋違臆見操鄉里短長以自縻其行也邑之民皆務本力作毋為沮詐爭鬪以并法也邑

之工商皆勤於貨殖毋舍業以嬉荒厥事也如是而士女

而漢賢人過蓬鄉而思君子當大書特書以仰副

太平之盛治是宰斯土者之幸也亦吾民之幸也是志之所繫
豈淺也哉嘉慶十四年歲在己巳斗柄建亥之月長垣縣
知縣安邱李于垣序

附記新志序後

愚聞之師曰郡縣之志卽古列國史官之遺乙部之要刪也後漢光武始詔南陽撰作風俗而方志之修所自來矣長垣之有志書始于前明宋元以上無聞焉其在於今存而可見者迺

國朝康熙庚申之書已越百三十年欲問其遺事而故老皆無在焉者夫吾垣爲

畿甸名區文獻之盛自古已然往所不論卽庚申以來鄉先生壇述作之才者未始無人焉而因時紀事何鮮有味乎其言之蓋天下之平久矣百餘年

厚恩

長垣縣志

附記

愷澤不冒乎海隅十七省風土民情悉登於

天府統志之書燦然大備則偏區小邑抑可以作可以無作也乎然而一邑者天下之餘也彼都人士有欲收羅放失纂輯舊聞勒成一書以待輜軒之採亦所不禁焉洪惟我

皇上御極之十有三載時和年豐邑人分發知縣楊君怡曾讀禮家居慨然約諸同人稟請而一新之維時任編纂之責者陽湖名士雲珊楊元錫也愚與雲珊未得一聆其言論幸旨讀其所爲書標體著例一掃方志類纂之習爲帙有八爲卷十有六炳炳烺烺亦一已觀法之原得失之林也歲己巳因與同邑私議志

事受知於 紫峯父師辱承采摭少加訂定尋命執
藝門下弁囑校讐聞命之餘激罔者累日然又不敢
固辭用是悉心考證除引用各書原本外餘則校正
譌誤竊有依據至刊刻筆畫悉遵

御製康熙字典及四庫全書字辨錄成宋體以昭

聖代同文之治自庚午春月校刊歷夏及秋而剞劂告成
或有問于愚曰志與史異名而同寔今子之所校者
盡足以傳信否耶愚應之曰信傳信疑傳疑述作之
旨也采訪之責也愚惟校對是任弗敢與知焉耳時
問者引身而退因綴數語於序末弁以見 紫峯父
師之大有造於吾邑

長垣縣志

附記

二

嘉慶十五年七月既望邑人呂原謨謹識

長垣縣志敘例

直隸大名府長垣縣知縣安山李于垣撰

志與史義同而體異州縣之志古者侯封一國之書也掌故治法皆備焉是必先崇體例慎所取裁綱目相維小大畢舉庶可上承統志省志郡志之全爲史部之支流一邑之綱要茲作縣志爲圖十有六表四書五記三錄三都爲十六卷各有小序以明志義

志首列圖考倣古圖經之意以作掌上之索也舊志作圖未能明晰茲則開方計里作縣境總圖一分圖五按里計之不爽銖黍邑水患爲最大故河道圖次之至於城池廡署學宮義倉先賢祠墓各以次爲圖庶開卷瞭然有當於

長垣縣志

敘例

古人左圖右史之義

表有四首沿革次封爵次職官次選舉有應詳者沿革則附之以攷職官外有循政記選舉外有人物記有毋庸詳者封爵作表知漢爲侯國以昭侯籍無所用其別志也舊志沿革過略茲以各史地志並括地志元和縣圖志太平寰宇記以及各書記載作沿革攷以詳明之表略而攷詳相輔而行也

史部要義有文辭者曰志曰傳無文辭者曰圖曰表虛實相資詳略互見馬班史法千古不易矣今之作志者每不作表概編之曰志以職官之知縣丞簿選舉之進士舉貢分類相從遂使順治年之縣丞舉人次於嘉慶年知縣進

十之後觀書者欲考其同僚共事同科同時先後歲年反
覆難究直似一官吏點名冊耳夫志爲一邑之史不明理
分類附之法不知年經事緯之理宜其進退失據不中史
法也舊志沿革過略茲作表作攷以詳之舊志不載封爵
茲據漢書魏志補之舊志職官多闕茲據金石補之舊志
選舉入於人物今作表以別之庶有合乎志體

職官選舉二表蓋倣班史百官公卿表法年經事緯爽若
列眉按格而稽有所考索職官於姓名之下註其鄉貫科
甲生至某官選舉進士舉貢姓名下註其官爵以爲記傳
之敘目有名列於表而不入記傳者乃無德可稱藉表以
著其姓名歲月而已無者闕之舊志不載主簿姓名今以

長垣縣志

敘例

二

金石紀載補入

舊志職官周有句須漢有常惠後唐有孔相循案左傳成
公十七年施氏卜宰匡句須吉杜註卜立家宰非匡城之
宰也漢書功臣侯表常惠封長羅侯非邑之令長不應闕
入職官故另作封爵表以別之五代史雜傳孔循唐莊宗
時權知汴州亦非長垣宰令不應列入又誤以孔循爲孔
相循俱考正削去以孔循事載入事紀書有案語攷證
長垣職官舊志闕而今增補者據宋史增長垣尉李公麟
一人據各碑刻增補知縣三人縣丞七人教諭八人訓導
十人主簿二十三人巡檢一人典史八人

舊志選舉載元進士李好文素元史李好文列傳爲東明

人不應列長垣志中故刪之選舉表後附例首列職似近於濫因仍舊志所載未便削之漢黃霸司馬相如皆以贊進一以政事一以文章彪炳史冊時論其始進哉在人之自立耳

方志以輿地為主圖表既成地甲宜晰司馬遷作天官書班固因之作地理志并詳分野亦因地而占所分之星耳茲準馬班兩家之意作地理書首詳分野而後以疆域形勝里甲山川河隄古蹟塚墓次第詳列庶幾開卷可稽

舊志里甲村莊未能詳備今以縣境東西南北東南五路共一千六十西村莊編戶六十一里俱詳明道里俾有所攷邑屢有水患河隄最重考訂尤詳古蹟譌者正之闕者

長垣縣志

敘例

三

補之必博引載籍一衷於是

疆域既定輿地既明則城邑廡署壇壝祠廟建置之所當書也舊志別志學校今倣康對山武功志例歸於建置至於先賢先儒位次以及歷代封爵載於會典闕里志者普天同例非一邑所專義所當略近代方志每列寺觀夫寺觀何足云建置耶今以寺觀載於里甲某里某村下以存其名所以抑二氏也

田賦備載一邑之賦役凡戶口田糧留支起運悉照賦役全書編輯以見制度有經唐李吉甫國計簿宋李常元祐會計錄何萬長樂財賦志是其例矣乃倣而爲書

劉昭補後漢書志易禮樂而爲禮儀爲後世儀注入志之

本聖人功成制禮治定作樂所謂範民以敬導民以和與至鉅也我

朝會典所載典章美備鉅細兼該凡慶典祀典與夫一切禮儀州邑所通行者自宜編輯以明禮教乃舊志闕焉茲謹照會典禮例編爲典禮書俾率而行之知掌故所存有所攷云

宋三朝藝文志曰西漢有掌故之吏以主故事則名之所起不其遠乎史遷大事記史家奉爲遺法茲別爲事紀首載

以昭

匪愷邁越前古也次載祥異以重天時故事以鏡人事倣

長垣縣志

條例

四

古人紀載之體輯而成書凡古今之事有關於長垣者如指諸掌矣

史記循吏五人漢書循吏六人垂範後世以見循吏之難蓋其慎也至於正史外則有梁元帝丹陽尹傳十卷賀氏會稽太守贊二卷唐成都幕府記二卷宋費樞廉吏傳十卷皆取莅是邦者之名蹟而敘之義例皆可尋繹舊志於職官條下備書政績不知職官爲名宦之綱目猥雜而書失其意矣茲作循政記義例謹嚴益致其慎非特意存補救從政者亦當知所勉也

隋書經籍志曰古之史官必廣其所記外史掌四方之志則諸侯史記兼而有之故自公卿諸侯至於羣士善惡之

迹畢集史職而又闡舊族師黨正書而入之鄉大夫鄉大夫三年大比考其德行道藝而獻其書登於天府是以寓居側陋之士言行必達皆有史傳漢武帝時始舉賢良文學天下計書先上太史司馬遷班固撰而成之以人別爲篇標傳稱列所由來矣後漢光武始詔南陽撰作風俗書沛二輔有耆舊節士之序卷盧江有名德之讚郡國之書由是而作方志爲一邑之史志今人物當一一記之以待史官采擇卽古外史之遺意也

表書皆史體獨易傳而日記何也蓋志家之傳善惡從長非若史官作傳善惡褒貶可以大書而特書也晉習鑿齒襄陽耆舊記鍾離岫會稽後賢傳記唐李襲譽江東記皆長垣縣志

敘例

五

以傳而稱記者可倣以爲例邑爲衝地古來人物自壽伯玉而下代不乏人其已詳前史者則錄其原文列曰史傳餘則本之舊志據所見聞分類以列或有年歲莫考者則略而弗詳以合闕疑之義生不立傳志也人物記中惟耆壽有見存者因識鄉飲耆耋並五代同堂以見

異平人壽之瑞至於義行廣爲附載者高義固可風細行亦必錄或附一二見存之人亦與人爲善之意可勸薄俗勸民風也

人物記外另記列女專門以敦風教范蔚宗後漢書作列女傳敘於劉向羅列女行曹昭重其學文姬重其才不專

爲節烈一門也若使專書節烈一門則史書男子但具
節之臣一傳可乎茲倣其例記列女首賢懿次貞烈次節
婦次孝婦次德壽連類以敘庶合劉向遺意

列女記賢懿皆本之舊志至於前明至今貞烈節孝舊志
所載僅七十餘人茲則責成采訪諸人悉心搜訪增至八
百餘人雖未得邀

其者嘉其苦志亦必類列以著芳型他若割股剖肝乃豈
身滅性之孝

功令不准旌表者亦憐其愚而姑記之

舊志列女載無鹽后爲縣東鍾村人案劉向列女傳齊鍾
離春者齊無鹽邑女也水經注汶水西流逕無鹽縣之故

長垣縣志 敘例

六

城南舊宿國也齊宣后之故邑所謂無鹽醜女也漢書地
理志無鹽縣屬東平國元和郡縣志東平縣兩漢爲無鹽
地後齊於此置須昌縣無鹽故城在縣東三十六里列女
傳曰無鹽有醜女名宿瘤齊宣王善之立爲夫人卽此縣
女也據此則無鹽非長垣鍾村人且長垣衛地後屬魏亦
非齊地故州去以嚴志體

漢劉向校經傳諸子詩賦條其篇目錄而奏之子歆卒父
總纂書而表其七略首曰輯略師古曰輯與集同謂諸

書之總要也固承之作藝文志後之史家遞相效法長垣
邑人著述無多卽有存者俱係詩文集非專門著書家可
是以俱詳本傳可不必另創藝文篇曰惟有錄其記事